



**Opiij eo ej Eddoin:** Opiij eo ej ej ejaak Bunton ko

**KAKIEN AN BOOT EO 5200**  
**KEIN KAITOKLIMOIN BAAMLE**

**UN EO**

Boot eo an Trustees (Boot eo) ej kawepene ke kein kaitoklimoin baamle ej juon eddo eo koj woj ej ippan doon kake ikotaan jikin jikuul ko, baamle ko im jukjukin pad ko ilo aer aolep bok menin jeramman im jipan ko im nan komman bwen wor wonmaanlok ilo adwoj jermal ippan doon ikkijeem eddoklok ko an ajri ro im jodikdik ro ilo kaloj, jermal, im ilo aer rittolok im ekatak kin mour. Washoe County School District (Jikin) jikuul ko, ilo aer jermal ippan baamle ko, rikaki ro, rijikuul ro im ro rej eddoin jikuul ko, remaron jino komman im kamejajaiki bunton ko im rej ekkeijaaklok ippen bunton im bulaan ko an Jikin eo nan jipan im komman wonmaanlok ko im renej emman nan kein kaitoklimoin baamle im ekoba bar jipan bukot mejlan aikuij ko an rijikuul ro, baamle ko, im rikaki ro ippen ro im enej lukkin emman jermal ipper.

**KAMELELE KO**

1. “Baamle” ej einwot juon ritto eo ej kejbarok/rilale eo im ej eddoin karittolok im kejbarok ajri ro.

**KAKIEN**

1. Nan kokmanmanlok ippen doon ko an baamle-jikuul, ej aikuij walok jiljimjuon un ko im reurok im rej ekkeijaaklok wot ippen bunton im bulaan eo an Jikin eo.
  - a. Karuwaineneik aolepen baamle ko. Baamle ko elap aer bok konaer ilo jikin jikuul eo, relukin ruwainene, reurok, im elap aer epaak e doon im jela kin jabdewot ikijeem jikuul eo.
    - i. Juon jikin jelalokijen eo elukkin wamouruur ej itok wot jen an emman an jikuul eo lale baamle k im kea kin manit ko aer ilo kilen aer makitkit maan mejeer.
  - b. Kakutkut bwebwenato ko ippen baamle ko im rijermal ro ej komman bwen kaitoktoklimoin kenono ko ikkijeem an rijikuul eo katak
    - i. Baamle ko relukkin jela eletok melele ko im uaak ko ilo bwebwenato ko kotaer ippen jikuul eo.
    - ii. Ilo kilen jeje im kenono kotoan baamle ko im rikaki ro rej kile er ilo aer maron kommani ilo kajin ko aer make im wawein kilen aer kenaan.

- c. Jipan kokmanmanlok an rijikuul ro pad im katak ko aer. Baamle ko im rijerbal ro an jikuul eo rej ippan doon nan jipan rijikuul eo ilo katak ko an im eddoklok eo an ilo mweo kab ilo jikuul im ewor menin wonmaanlok ko ej pad ie aolep ien nan kokajoorlok jelalokijen ko ipper im kapeel ko aer nan an maron in lukkin topar kotopar kein.
  - i. Rikaki ro im rijerbal ro ilo jikuul eo rej kwalok nan doon teta ko nan komeleleiki doon ewi jonan an rijikuul ro wonmaanlok ilo er make im aer keidi ippan bar ro jet, nan jonan aikuij ko an kilaaj ko aer.
  - ii. Baamle ko rej bok melele, kein jermal ko, im bar wawein ko jet nan aer katak jen rikaki ro im jipan ko jet ilo kilen aer naaj jipan ajri ro nejier ilo nabojin kilaaj eo im etale wonmaanlok ko an ajri eo nejier.
  - iii. Baamle ko im rijerbal ro ewor kilton ko nan katakin er im rej ekkeijaaklok ilo katak ko an rijikuul eo im ebar ekkeijaaklok ilo katak ko relukkin emman ikkijeen ritto ko im relukkin wor unier, raurok, rejipan nan jermal ippan doon, im koba ippan doon.
- d. Kenono im na ainikien kajojo ajri. Baamle ko rej er eo im rej jutak likin ajri ro nejier im bar ro nejin ro jet, nan lukkin kamool ke rijikuul ro rej aolep bok jeramman ikkijeen jelalokijen ilo ejjelok kalijoklok.
  - i. Rikaki ro im baamle ko rej jermal ippan doon nan maron bok kein jermal ko im burokiraam ko nan jipan wonmaanlok an rijikuul eo (eiwot, Rikatak kajin Palle, tutor, koonjel).
  - ii. Rikaki ro im rijerbal ro ilo jikuul eo rej kokajoor baamle ko im koperan er nan jutak likin rijikuul ro nan bukot mejlan joreen ko/apan.
- e. Ippan doon kin kajoer. Baamle ko im rijerbal ro ilo jikuul eo rej juon wot ilo aer komman jemlok ko elane enej jalet ajri ro im baamle ko. Rej ippan doon im karon doon, kokajoor doon, im komman kakien ko, waanjonak ko, im burokiraam ko.
  - i. Ro rej eddoin jikuul eo, rikaki ro, im rijipan ro jet rej jermal ippan baamle ko nan komman bwe jokkin wot juon ainikien im jela ko aer jen doon ilo aer komman jemlok ko ikkijeen katak ko an rijikuul eo.
  - ii. Aolep rijerbal ro ilo Jikin eo renaaj kokajoor baamle ko bwe ren maron lap aer bok konaer ilo jikuul eo ilo bukun im jikin eo. Jikuul koi m tibaatmen ko rej jipan renaaj kokajoor im kaitoklimoin baamle ko ilo doulul in kokapiloklok an jinen im jemen rijikuul, kwelok ko an boot eo an jikuul, aolep makitkit an jikuul, im bar makitkit ko jet.
- f. Jermal ippan jukjuk in pad eo. Baamle koi m rijerbal ro an jikuul eo rej jermal ippan doon ippan ro uan jukjuk in pad eo nan kopaaklok rijikuul ro, baamle ko, im rijerbal ro nan kol ko jet nan kadepakpaklok kilen katak, jermal ko ippen jukjuk in pad eo, im bok konaer ilo jermal ko an kien eo.

- i. Rijeerbal ro an jikuul eo rej kenono ippan baamle ko kake jerebal ko im kein jerebal ko, kanne kobban burokiraam ko, im bulaane makitkit koi m renaaj kadepakpaklok kilen katak.
    - ii. . Jikuul ko ekoba doulul ko an jukjuk in pad eo nan bok konaer ilo kilaaaj ko, ien aurok ko an jikuul, im makitkit ko jet.
  - g. Komman bunton ko nan rijeerbal ro nan kaitoklimoin Baamle ko. Rijeerbal ro ewor aer maron nan bok menin wonmaanlok ko ikkijeer katak ko im rej kalaplok jela ko aer kijeer manit im komman bwe ren maron jelalok, ilo aer bar jelalok ilo bunton ko ikkijeer aer katak kake juon men im enaaaj kalaplok jela ko ipper nan lukkin kokmanmanlok aer jerebal ippan baamle ko.
    - i. Rijeerbal ro rej bok katak koi m jipan ko jen ro rej eddoin jikuul eo nan wonmaanlok wot ilo aer kokmanmanlok aer jerebal ippan baamle ko.
    - ii. Ro rej eddoin jikuul eo rej kenono kin ta ko rej kotmeni nan rijeerbal ro ikkijeer aurokin emman in jerebal ippan baamle ko.
2. Boot eo ej komalim Superintendent eo nan boke im katak kin Kakien in kilen Eddoin nan komman bwen bok jikin im kejbarok unleplep in Kakien in an Boot eo. Superintendent eo emaron kobaik ilo Kakien in kilen Eddoin ilo kajimwe kein:
  - a. Bunton ko im rej ekkeijaaklok ippen Every Student Succeeds Act (ESSA) jekjen 116 kien nan kein kaitoklimoin baamle.

### **AIKUIJ KO EKKAR NAN KAKIEN IM PEPA KO IPPERTOK**

1. Kakien in an Boot ekwalok kotopar ko an Kilton Bulaan ko an Jikin eo im rej ekkeijaaklok/ettorwot ippan pepa ko an kien eo an Jikin eo, nan kobaik:
  - a. Kakien an Boot 1505, Rilok ro nan ijoko jikin kien eo – Lukkin Wor Unin;
  - b. Kakien an Boot 1160, Wawein Kenono ko, Kaitoklimoin Jukjukin Pad eo, im Kaitoklimoin Aolep Uaan Jikin eo; im
  - c. Kakien an Boot 9210, Jokkin wot Juon im Kobbaan elon lal.
2. Kakien an Boot ej ekkeijaaklok wot ippan Nevada Revised Statues (NRS) im Nevada Administrative Code (NAC), nan kobaik
  - a. Jepta 385, Koonjel in Kokkabiloklok nan Kaitoklimoin Baamle eo, Opiij eo nan Kobaikitok Jinen im Jemen ajri im Kaitoklimoin baamle im nan lukkin tipdiki:
    - i. NRS 385.620.1. – Kakien eo kin Kobaikitok Jinen im Jemen ajri im Kaitoklimoin baamle; im
  - b. Jepta 392, Rijikuul ro, im nan tipdiki:
    - i. NRS 392.456 – 392.458, Kobaikitok Jinen im Jemen ajri im Kaitoklimoin baamle
3. Kakien in an Boot ej ekkeijaaklok ippen kakien ko an kien eo iolap im bunton ko, nan kobaik:

- a. Federal Elementary & Secondary Education Act, Baat A, Kokmanmanlok Burokiraam ko Repidodo Komman jen Doulul in Jikin Jelalokijen ko an Bukon eo, Jekjen 1116, Kaitoklimoin jinen im Jemem im baamle; im
- b. . Jimwe an Baamle ilo Jikin Jikuul im Melele ko Ikkijeer im Rejjab aikuij walok (FERPA) 20 U.S.C § 1232g; 34 CFR Baat 99).

**KAJIMWE KO JEN ETTO**

Raan	Kajjimwe	Kokmanmanlok
3/12/2002	1.0	Kakien emoj boke
11/20/2007	2.0	Kajimwe
7/24/2012	3.0	Kajimwe
4/10/2018	4.0	Kajimwe: Ekkeijaaklok ippan kien eo an jikin eo; jeniji nombra in kakien eo jen 5036.1
03/29/2022	5.0	Kajimwe: Kokaal kilen jekjekin nan BP 9070, Kokaal kajin eo nan an ekkeijaaklok ippan kakien eo an jikin eo im melele eo an kien eo kin kaitoklimoin baamle.